

# UGOVOR

## o pružanju usluga oglašavanja putem društvenih mreža

Zaključen u Sarajevu između:

Zavoda zdravstvenog osiguranja Kantona Sarajevo, Ul. Ložionička broj 2 (u daljem tekstu Ugovorni organ), kojeg zastupa direktor Mr.sc.i.oec.prim.spec.dr.Samir Turković

i

„Dimenzija Plus“ d.o.o., Ul. Aleja Bosne srebrene bb (u daljem tekstu Pružalac usluga), kojeg zastupa direktor Elmira Resić.

### PREDMET UGOVORA

#### Član 1.

Predmet ugovora je regulisanje prava i obaveza između Ugovornog organa i Pružaoca usluga kao izabranog ponuđača u postupku javne nabavke putem direktnog sporazuma za nabavku usluga „Oglašavanja putem društvenih mreža“ za potrebe Zavoda zdravstvenog osiguranja Kantona Sarajevo, u skladu sa Odlukom o pokretanju postupka putem direktnog sporazuma broj: 03-08-Dž.K.-11150-OPDS/18 od 27.03.2018. godine, Pozivom na dostavljanje ponude broj: 03-08-Dž.K.-11150-OPDS/18 od 27.03.2018. godine, ponudom Pružaoca usluga broj: 03/2018 od 30.03.2018. godine i Odlukom o prihvatanju ponude broj 03-08-Dž.K.-11150-OPDS-I/18 od 05.04.2018. godine.

#### Član 2.

Usluge koje su predmet ovog Ugovora su:

R b	Naziv usluge	Opis	Količina
1.	Svakodnevno praćenje medijskih tekstova i priloga koji se odnose na Zavod zdravstvenog osiguranja Kantona Sarajevo (Press clipping). (bez obzira na količinu materijala)	Emisije o zdravstvu ili tematika vezana za djelatnost ZZOKS	12 mjeseci
2.	Priprema i slanje PR tekstova za medije, saopćenja, informacije i sl. (bez obzira na količinu materijala)	Tekstovi vezani za djelatnost ZZOKS i obavještenja osiguranicima KS	12 mjeseci
3.	Organizacija konferencija za medije, okruglih stolova, seminara. (što uključuje stručnu pomoć)	Tematika vezana za djelatnost ZZOKS	12 mjeseci
4.	Promocija aktivnosti Zavoda zdravstvenog osiguranja Kantona Sarajevo putem društvenih mreža. (bez obzira na količinu materijala)	-Izrada profila (accounta) na određenoj društvenoj mreži -Ažuriranje accounta – redovan upload fotografija, videomaterijala i PR tekstova (uz obradu istih) – (bez obzira na količinu materijala) -Optimiziranje željenih sadržaja (boost i sponzoriranje objava)	12 mjeseci

## ROK PRUŽANJA USLUGE

### Član 3.

Pružalac usluga se obavezuje da će usluge iz Člana 2. ovog Ugovora vršiti svakodnevno i na osnovu ukazanih potrebe, te na osnovu primljene narudžbenice.

## OBAVEZE UGOVORNIH STRANA

### Član 4.

Pružalac usluga se obavezuje pružati usluge koje su predmet ovog ugovora, koje kvalitetom u svemu odgovara karakteristikama preciziranim u Pozivu za dostavljanje ponuda broj: 03-08.-Dž.K.-11150-OPDS/18, na način i u rokovima regulisanim ovim ugovorom i ponudom Dobavljača.

Pružalac usluga se obavezuje da usluge iz člana 2. stav 2. i stav 4. Ovog Ugovora pružati isključivo uz predhodnu saglasnost Ugovornog organa u svakom pojedinačnom slučaju.

### Član 5.

Ugovorni organ se obavezuje da nakon pružene usluge, saglasno narudžbi i cijeni iz ponude, ukoliko ista odgovara ugovorenom kvalitetu, plati ugovorenu cijenu na način i u rokovima određenim u Odluci o prihvatanjnu ponude broj 03-08.-Dž.K.-11150-OPDS-I/18, ponudom Dobavljača i ovim Ugovorom.

### Član 6.

Ugovorni organ se obavezuje da će imenovane kontakt osobe ispred Zavoda zdravstvenog osiguranja Kantona Sarajevo, Šefa kabineta i stručni saradnik za informisanje, blagovremeno kontaktirati Pružaoca usluga i prosljeđivati informacije koje je potrebno dalje prezentovati.

### Član 7.

Cijena usluga koje su predmet ugovora će biti fakturisana na osnovu cijena iz sljedeće table:

R.b.	Opis robe	Jedinica mjere (mjesec)	Količina (A)	Jedinična cijena bez PDV-a za 1.mjesec (B)	Jedinična cijena bez PDV-a za 12. mjeseci (C=AxB)
1.	Svakodnevno praćenje medijskih tekstova i priloga koji se odnose na Zavod zdravstvenog osiguranja Kantona Sarajevo (Press clipping). (bez obzira na količinu materijala)	1	12	250,00 KM	3.000,00 KM
2.	Priprema i slanje PR tekstova za medije, saopćenja, informacije i sl. (bez obzira na količinu materijala)	1	12	150,00 KM	1.800,00 KM
3.	Organizacija konferencija za medije, okruglih stolova, seminara. (što uključuje stručnu pomoć)	1	12	50,00 KM	600,00 KM
4.	Promocija aktivnosti Zavoda zdravstvenog osiguranja Kantona Sarajevo putem društvenih mreža. (bez obzira na količinu materijala)	1	12	100,00 KM	1.200,00 KM
<b>Ukupna cijena bez PDV-a</b>					<b>6.600,00 KM</b>
<b>Popust</b>					<b>10 %</b>
<b>Ukupna cijena sa popustom bez PDV-a</b>					<b>6.000,00 KM</b>
<b>PDV na cijenu ponude (sa uračunatim popustom)</b>					<b>0,00 KM</b>
<b>Ukupna cijena za ugovor</b>					<b>6.000,00 KM</b>
<b>Slovima: šest hiljada konvertibilnih maraka</b>					<b>6.000,00 KM</b>



#### Član 8.

Ugovorni organ će Pružaocu usluga redovno plaćati cijenu iz člana 7. ovog Ugovora po ispostavljenoj fakturi, najkasnije **u roku do 60 dana** od ispravno ispostavljene fakture.

### ISPORUKE ROBE/USLUGE

#### Član 9.

Pružalac usluga se obavezuje da će uslugu iz Člana 2. ovog Ugovora vršiti svakodnevno i na osnovu ukazanih potrebe, te na osnovu primljene narudžbenice.

U slučaju da izvršene usluge svojim kvalitetom ne odgovaraju ugovorenim i zahtjevima Ugovornog organa, Ugovorni organ zadržava pravo da od Pružaoca usluga zahtjeva otklanjanje uočenih nedostataka, a u protivnom zadržava pravo da raskine predmetni ugovor.

#### Član 10.

Pružalac usluga ima pravo na produženje ugovorenog roka ako je u isporuci robe i vršenju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotres, klimatski uslovi i sl.),
- mjere državnih organa,

Pružalac usluga je dužan da Ugovornog organa pismeno obavijesti o svojoj namjeri da zbog navedenih okolnosti traži produženje roka.

#### Član 11.

Ako Pružalac usluga zakasni sa izvršenjem usluge, nanese štetu ugledu Ugovornog organa ili iz razloga koji nisu obuhvaćeni članom 8. ovog Ugovora, snosit će svu štetu za Ugovorni organ (npr. dodatni troškovi, izmakla dobit itd.) nastalu usljed kašnjenja sa izvršenjem ili nekom drugom radnjom.

### NAKNADA ŠTETE

#### Član 12.

Ugovorna strana koja neurednim ispunjenjem ili neispunjenjem ugovorne obaveze prouzrokuje štetu drugoj ugovornoj strani, dužna je da štetu naknadi u cijelosti i to u roku od 30 (trideset) dana od dana postavljenog kompletiranog i osnovanog zahtjeva za isplatu naknade.

### PRESTANAK UGOVORA

#### Član 13.

Ugovor traje do obostranog ispunjenja ugovornih obaveza ugovornih strana, ali ne duže od 1 (jedne) godine računajući od dana stupanja na snagu Ugovora.

#### Član 14.

Ugovor može prestati i prije njegovog izvršenja, u slučaju raskida.

Ugovorne strane mogu raskinuti ovaj ugovor:

- a) ako Pružalac usluga redovno ne izmiruje svoje obaveze po osnovu direktnih i indirektnih poreza i ostalih javnih prihoda;
- b) ako se utvrdi da isporučena usluga ne ispunjava kriterije iz ponude temeljem kako je zaključen ugovor;
- c) ako je došlo do zaostajanja u isporuci robe i pružanja usluge koja je predmet ugovora,

- UGOVOR
- d) u slučajevima kada se kod jedne ili obje ugovorne strane jave razlozi izvan njihovog utjecaja koji onemogućavaju dalje izvršenje ugovornih obaveza;
  - e) ako ugovorni organ ne izvrši svoju obavezu plaćanja po ispostavljenoj fakturi, a nakon uredno izvršene isporuke i/ili pružene usluge;
  - f) u svim ostalim slučajevima propisanim zakonom.

Iz razloga propisanih stavom 2. alineje b), c) i e) ugovor se može raskinuti samo ako je prethodno upućen pisani poziv sa zahtjevom ispunjenje ugovornih obaveza i sa ostavljenim dodatnim rokom koji ne može biti kraći od 8 (osam) i duži od 30 (trideset) dana.

U svakom slučaju ugovor se ne može raskinuti zbog neizvršenja neznatnog dijela ugovorene obaveze.

#### Član 15.

Ugovor se raskida pisanom izjavom koja se dostavlja drugoj ugovornoj strani.

U izjavi mora biti naznačeno po kom osnovu se ugovor raskida, kao i dostavljen dokaz da je druga ugovorna strana prethodno, takođe pisanim putem, pozvana na ispunjenje ugovorene obaveze.

#### Član 16.

Ugovorni organ će raskinuti ugovor sa Pružaocem usluge i ukoliko se ustanovi da ponuđene usluge koje su zadovoljile kriterije Poziva na dostavljanje ponude nisu jednake pruženim uslugama koje su predmet ugovora.

### OSTALE ODREDBE

#### Član 17.

Svi sporovi koji eventualno nastanu iz ovog Ugovora rješavat će se dogovorom ugovornih strana.

Ako se spor ne riješi na taj način, za sudsko odlučivanje određuje se mjesna nadležnost suda u Sarajevu.

#### Član 18.

Pružalac usluga nema pravo zapošljavati, u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

#### Član 19.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakona o obligacionim odnosima.

### ZAVRŠNE ODREDBE

#### Član 20.

Sastavni dio ovog ugovora su:

- Odluka o pokretanju postupka broj: 03-08-Dž.K.- 11150-OPDS/18 od 27.03.2018. godine;
- Poziv na dostavljanje ponude broj: 03-08-Dž.K.- 11150-OPDS/18 od 27.03.2018. godine;
- Odluka o prihvatanju ponude broj: 03-08- Dž.K.- 11150-OPDS-I/18 od 05.04.2018. godine;
- Prihvaćena ponuda Pružalaoa usluga broj: 03/2018 od 30.03.2018. godine.

Član 21.

Ovaj ugovor stupa na snagu danom potpisivanja od strane obje ugovorne strane.

Ukoliko ugovorne strane ne potpišu ugovor na istovjetan datum, danom stupanja na snagu ugovora ima se smatrati kasniji datum potpisa.

Član. 22.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.


Pružalac usluga

Dimenzija Plus d.o.o.

  
Elmira Resić

Ugovorni organ

ZAVOD ZDRAVSTVENOG OSIGURANJA  
KANTONA SARAJEVO

  
Mr. sci. oec. prim. spec. dr. Samir Turković

Broj: 07/2018.  
Datum: 15.5.2018. god.

Broj: 03-08-Dž.K.-11150-UG/18  
Datum: 11.05.2018. godine.